

537 Nû diz was unwendec.

der komende was genendec;
alsô was ouch, der dâ beite.
zer tjost er sich bereite.

- 5 dô sazter die glevîn
vorn ûf des satels vilzefîn,
des Gawan vor het erdâht.
sus wart ir bēder tjoste brâht:
diu tjost ieweder sper zerbrach,
10 daz man die helde ligen sach.
Dô strûchte der baz geriten man,
daz er unt mîn hêr Gawan
ûf den bluomen lâgen.
wes si dô bēde pflâgen?
15 ûf springens mit den swerten;
si bēde strîtes gerten.
die schilde wâren unvermiten;
die wurden alsô hin gesniten,
ir beleip in lützel vor der hant,
20 wan der schilt ist immer strîtes pfant.
man sach dâ blicke unt helmes viuwer.
ir megts im jehen vûr âventiuwer,
swen got den sic dan læzet tragen,
der muoz vil prîses ê bejagen.
25 Sus tûwerten si mit strîte
ûf des anders wîte.
es wâren müede zwêne smide,
ob si halt heten starker lide,
von alsô manegen grôzem slage.
30 sus rungen si nâch prîses bejage.

vor ûf *G (nur GI) *T

des (Daz V) G. vor (do vor U) hâte gedâht. *T (ohne O) (I L)

sus was ir *G (nur GFr19)

ietwēders sp. (beider site des spers U) *T (ohne O)

dô ([*]: Daz V) man *T (nur TU)

der wol ([*]: wol V) geritene man, *T

prîses si beide g. *T

in bleip ir (Ir bleip U) wēnic (lützel G) vor (in O) der h., *T (ohne V) (G)

sic dâ (om. U) lât tr., *T (ohne VO) (G)

sus dructen (vahtent V) si *T (ohne UO)

ob si h. (om. V) trûegen (heten U V) starkiu l., *T (ohne O)

von a. manegem (manegem also U [V O]) starken (starke U) sl. (clage V). *T

*D: D *m: m *G: G I L Z Fr19 *T: T U V O

1 Initiale D G I L Z Fr19 O · Majuskel T 11 Majuskel D 21 Initiale I 25 Majuskel D

7 daz Gawan vor het gedâht. *m 12 mîn hêr] ouch ([*]: mîn her V) *m (V) 13 ûf] beide ûf *m 17 die schilt wâren unvermiten *m 18 die] und *m 19 in bleip lützel vor der hant; *m 21 blicke] buoc *m